



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ԷԶՄԻԱԾՆԻ Ս. ԳԱՅԱՆԵ ՎԱՆՔՈՒՄ

Հուլիսի 10-ին, կիրակի.—Վարդավառ:
Պայծառակերպություն Տեառն մերոյ Յիսուսի Քրիստոսի:

Այսօր մեր Տիրոջ՝ Հիսուս Քրիստոսի Պայծառակերպության այս խորհրդավոր տոնի ա. պատարագին Հայաստանյայց Առաքելական Սուրբ Եկեղեցու սպասավորության է կոչվում Մայր Աթոռի հոգևոր ճեմարանի շրջանավարտ բարեշնորհ Սարգիս սարկավագ Մելքոնյանը, որը նախօրոք պաշտպանել էր իր ավարտաճառը և հայտնել պատրաստակամություն՝ ընծայվելու սպասավորության Հայ Եկեղեցու և հալատացրալ հայ ժողովրդի:

Նախորդ օրը, հուլիսի 9-ին, երեկոյան, տեղի էր ունեցել «Յերեկոյէ կոչումն քահանայութեան» կարգը՝ խարտավիլակությանը Ս. Ասողիկ վրդ. Արիստակեսյանի, որը վկայեց նորընծայի հոգևոր և իմացական առատաստականության ու արժանիքների մասին:

Հավարտ քահանայական կոչման արարողության, նորընծան հրապարակայնորեն արտասանեց Հայաստանյայց Առաքելական Եկեղեցու «Հաւատոյ խոստովանութիւն»-ը՝ ըստ Ս. Գրիգոր Տաթևացու սահմանած բանաձևի:

Հիսուս Քրիստոսի Պայծառակերպության տոնի ու քահանայական ձեռնադրության

ատթիվ Սուրբ Գայանե վանքում հանդիսավոր ա. պատարագ մատուցեց Ս. Հուսիկ արքեպս. Սանթրուրյանը: «Հաւատամք»-ից, «Ողջոյն տուք միմեանց» և «Խորհուրդ խորին» շարականների երգեցողությունից հետո գերաշնորհ սրբազան հայրը սրբալույս մեռողնով օծում է նորընծայի ճակատն ու ձեռքերը՝ կոչելով նրան Ս. Սարգիս քահանա Մելքոնյան:

Հավարտ քահանայական ձեռնադրության պատարագիչ սրբազան հայրը, շնորհավորելով նորընծային, բովանդակալից քարոզ է խոսում՝ «Օրհնեալ գովեալ եւ փառաւորեալ զհրաշալի եւ Աստուածազարթ Պայծառակերպութիւնդ Բո օրհնեմք եւ փառաւորեմք» (Խորհրդատետր) բնաբանով և այն ավարտում Հովհաննես ավետարանչի «Եւ եմ Հովին քաջ. Հովի քաջ զանձն իրդնէ ի վերայ ոչխարաց» (Հովհ. Ժ 11) խոսքերով:

* *

«Էջմիածին» ամսագրի խմբագրությունը ևս շնորհավորում է նորընծա քահանային՝ մաղթելով, որ նա լինի արժանի սպասավորը Հայաստանյայց Առաքելական Ս. Եկեղեցու:



Մի պահ օմնան արարողությունից

Տ. ՍԱՐԳԻՍ ՔԱՀԱՆԱ ՄԵԼՔՈՆՅԱՆ

Ծնվել է 1961 թ. հունվարի 2-ին Ղամիշ-լի (Սիրիա) քաղաքում:

1963—73 թթ. եղել է Լիբանանի Զիբելի «Թուշնոց Բույն» դանիական որբանոցում:

1973—75 թթ. սովորել է տեղի Պուրն-Համուտի Արամյան վարժարանում: Միջնակարգ կրթության դասընթացն ավարտել է Ղամիշլիի Եփրատ վարժարանում:

1977 թ. ընդունվել է Անթիլիասի Մեծի Տանն Կիլիկիո դպրեվանք, իսկ 1980 թ. սեպտեմբերին՝ Մայր Աթոռ Ս. Էջմիածնի հոգևոր ճեմարան:

1984 թ. դեկտեմբերի 25-ին գերաշնորհ Տ. Հուսիկ արքեպս. Սանթուրյանի ձեռամբ ձեռնադրվել է սարկավագ:

1985 թ. ավարտել է հոգևոր ճեմարանը:

1986 թ. մարտին ավարտաճառ է պաշտպանել՝ «Բնագրային ճշգրտումներ Հայաստանյայց Եկեղեցու հին և նոր տպագիր պատարագամատուցների կամ խորհրդատետրերի» թեմայով:

Հոգևոր ճեմարանն ավարտելուց հետո նշանակվել է ծառայության Մայր տաճարի մկրտարանում որպես սարկավագ:

Տ. Սարգիս քհն. Մելքոնյանը իր քառասունքը անցկացնելու է Ս. Էջմիածնում: Այնուհետև ծառայության կմեկնի Ծվեդիայի հայոց թեմ:

